



ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

ք.Երևան

«01» դեկտեմբերի 2021թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1. Շուշիի տեխնոլոգիական համալսարանը՝ (այսուհետ՝ համալսարան) ի դեմս ռեկտորի ժամանակավոր պաշտոնակատար Ն.Միքայելյանի, ով գործում է համալսարանի կանոնադրության հիման վրա, և Հյուսիսային համալսարանը՝ ի դեմս ռեկտոր Մ.Մակիչյանի, ով գործում է համալսարանի կանոնադրության հիման վրա, (այսուհետ՝ Կողմեր) համագործակցելու փոխադարձ ցանկությամբ կազմեցին սույն համաձայնագիրը:

1.2. Կողմերը համաձայն են՝ կրթադաստիարակչական, գիտահետազոտական և ուսումնամեթոդական գործունեության ոլորտներում համատեղ, փոխշահավետ ծրագրերի մշակմանը և իրականացմանը, դասախոսների և ուսանողների ակադեմիական փոխանակմանը, համատեղ հայտարարությունների և փաստաթղթերի ստորագրմանը, տեղեկատվական և մարզամշակութային միջոցառումների իրականացմանը և այդ նպատակին հասնելու համար արտահայտում են պատրաստակամություն՝ կիրառելու իրենց հաստատություններում առկա մտավոր և նյութատեխնիկական ներուժը:

2. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ ԵՎ ԽՆԴԻՐՆԵՐԸ

Կողմերը կապահովեն՝

2.1. Հայաստանի Հանրապետության և Արցախի Հանրապետության բուհական համակարգերում իրականացվող փոփոխությունների, իրավական փաստաթղթերի, ակտերի և միջոցառումների մասին տեղեկությունների փոխանակումը,



2.2. համապատասխան մասնագետների մասնակցությունը անցկացվող գիտաժողովներին, սեմինարներին և այլ գիտակրթական միջոցառումներին,

2.3. համալսարանների կառուցվածքային ստորաբաժանումների՝ ֆակուլտետների, ամբիոնների, առանձին գիտական և կրթական կենտրոնների համագործակցությունը,

2.4. Տարբեր միջոցառումների և ծրագրերի իրականացման ուղղությամբ ծավալուն և առարկայական համագործակցելու դեպքում՝ կողմերի միջև երկկողմանի պայմանագրերի կնքում, որոնցով կկարգավորվեն համապատասխան աշխատանքների իրականացումը, կողմերի իրավունքներն ու պարտականությունները:

3. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

3.1. Հյուսիսային համալսարանը կիրականացնի հետևյալ միջոցառումները՝

3.1.1. Համալսարանին կտրամադրի իր կողմից վերամշակված և թարմացված ուսումնական պլաններ, առարկայական ծրագրեր, ուսումնական և օժանդակ գրականություն,

3.1.2. իր հնարավորություններով կաջակցի համալսարանի մասնագետների պատրաստման, պրոֆեսորադասախոսական կազմի համալրման, ատենախոսությունների պաշտպանության, ֆակուլտետների և ամբիոնների փոխգործակցության կազմակերպման գործընթացներին,

3.1.3. կնպաստի համալսարանում կրթության որակի բարելավմանը, դասախոսական կազմի որակավորման բարձրացմանը,

3.1.4. կմասնակցի համատեղ ուսանողական գիտաժողովների, առարկայական օլիմպիադաների, մարզական սպարտակիադանների կազմակերպմանը,

3.1.5. իր հնարավորությունների սահմաններում կնպաստի բուհական կրթությանն առնչվող միջազգային միջոցառումներին (գիտաժողովներին, սեմինարներին, խորհրդակցություններին) Համալսարանի դասախոսների մասնակցությանը,



3.1.6. իր հնարավորությունների սահմաններում կաջակցի Համալսարանի ինտեգրմանը ՀՀ բարձրագույն կրթական համակարգին՝ հետևողական աշխատանքներ կատարելով Բոլոնյան կրթական համակարգին լիարժեք ներգրավման ուղղությամբ,

3.2. Շուշիի տեխնոլոգիական համալսարանը կիրականացնի հետևյալ միջոցառումները՝

3.2.1. կաջակցի համագործակցության հաջող զարգացմանը՝ Հյուսիսային համալսարանին տրամադրելով անհրաժեշտ տեղեկատվություն իր առաջնահերթ ուսումնական կարիքների և խնդիրների վերաբերյալ,

3.2.2 Հյուսիսային համալսարանին պարբերաբար կտեղեկացնի իր մոտ անցկացվող գիտահետազոտական աշխատանքների, սեմինարների, գիտաժողովների, կլոր սեղանների, հանդիպում քննարկումների մասին և կնպաստի Հյուսիսային համալսարանի ներկայացուցիչների մասնակցությանը դրանց,

3.2.3 Ուսումնական պլանների թարմացում՝ աշխատաշուկայի պահանջներին համապատասխան, ՇՏՀ-ի համապատասխան մասնագիտություններով ուսումնական ծրագրերի կազմման գործընթացին Հյուսիսային համալսարանի մասնագետների ներգրավում՝ որպես խորհրդատուներ,

3.2.4 համագործակցել ուսանողների և շրջանավարտների՝ աշխատաշուկայում մրցունակության բարձրացմանն ու կարիերայի խնդիրների լուծմանն ուղղված ծրագրերի իրականացման ուղղությամբ, համատեղ կազմակերպել ամենամյա «Հանրապետական միջբուհական աշխատանքի տոնավաճառ», պարբերաբար կազմակերպել գիտաժողովներ, սեմինարներ, խորհրդակցություններ և այլ միջոցառումներ:

3.2.5 Աշխատանքների արդյունավետությունը բարձրացնելու նպատակով ձևավորել մշտական կամ ժամանակավոր կառույցներ, աշխատանքային խմբեր, խորհրդակցական մարմիններ, խորհուրդներ, հանձնաժողովներ:



4. ՀԱՄԱՁԱՅՆԱԳՐՈՎ ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ ՆՅՈՒԹԱԿԱՆ ԱՊԱՀՈՎՈՒՄԸ

4.1. Սույն համաձայնագրի կատարումն ապահովելու համար Կողմերը նշանակում են մեկական ներկայացուցիչ՝ պրոռեկտորի մակարդակով: Կողմերի ներկայացուցիչները պարտավորվում են համատեղ կարգավորել ընթացիկ փոխգործակցության հարցերը, տարին առնվազն մեկ անգամ Կողմերին ներկայացնել տարվա միջոցառումների պլանը և այդ ասպարեզում նախորդ տարվա կատարած աշխատանքի մասին հաշվետվություն:

4.2. Կողմերը սույն համաձայնագրի շրջանակներում ֆինանսական պարտավորություններ չեն կրում:

5. ՀԱՄԱՁԱՅՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ, ԼՐԱՑՈՒՄՆԵՐԸ, ՓՈՓՈԽՈՒԹՅՈՒՆՆԵՐՆ ՈՒ ԴԱԴԱՐԵՑՈՒՄԸ

5.1. Սույն համաձայնագիրն ուժի մեջ է մտնում ստորագրման պահից և գործում է անժամկետ:

5.2. Սույն համաձայնագրի մեջ փոփոխություններն ու լրացումները կատարվում են Կողմերի փոխադարձ գրավոր համաձայնությամբ: Սույն համաձայնագրի փոփոխություններն ու լրացումները կազմվում են լրացուցիչ համաձայնագրով և դառնում են սույն համաձայնագրի անքակտելի մասը:

5.3. Սույն համաձայնագիրը կարող է լուծվել Կողմերի փոխադարձ համաձայնությամբ կամ Կողմերից մեկի նախաձեռնությամբ՝ ենթադրվող հրաժարումից ոչ ուշ, քան մեկ ամիս առաջ՝ մյուս Կողմին գրավոր ծանուցելով:

5.4. Սույն համաձայնագրով չնախատեսված հարաբերությունների կարգավորման համար առաջնորդվել ՀՀ օրենսդրությամբ:

5.5. Սույն համաձայնագիրը կազմված է իրավաբանական հավասար ուժ ունեցող երկու օրինակից, յուրաքանչյուր Կողմին՝ մեկական օրինակ:



ԿՈՂՄԵՐԻ ՏՎՅԱԼՆԵՐԸ

«Հյուսիսային համալսարան» ՍՊԸ
ՀՀ ք. Երևան 0070, Ալեք Մանուկյան 15^ա
հեռ. (+37410)554052, 573317, 554135
էլ. փոստ՝ info@northern.am
կայք՝ www.northern.am
Ռեկտոր՝ Մ. Մակիջյան



Շուշիի տեխնոլոգիական համալսարան
ԱՀ, ք. Ստեփանակերտ, Վ. Վաղարշյան 5
հեռ. 097203080
էլ. փոստ՝ info@shushitech.am
կայք՝ www.shushitech.am
Ռեկտորի պաշտոնակատար՝
Ն. Միքայելյան

ստորագրություն

